


Bibiliya y'Abana Ishikirije



Umwigeme
Yabayeho
Incuro Zibiri



Yanditswe na: Edward Hughes

Amashusho ashirwamwo na:
Janie Forest; Alastair Paterson

Itunganywa na: Ruth Klassen

Isobanurwa mu Kirundi na:
Manurakoze Pacifique

Yateguwe na: Biblefor Children
www.M1914.org

©2023 Bible for Children, Inc.

Uburenganzira: Murafise uburenganzira bwo kwimura canke
gusohora ku mpapuro iyi nkuru mugihé gusa mutayigurisha.



Yayiro yari umuyuda, umukuru w'isinagoyi, yubaha
Imana kandi yigisha abandi ijambo ry'Imana. Umusi
umwe, icago kiramushikira. Umukobwa wiwe yakunda

cane, yari afise imyaka cumi
n'ibiri, ararwara. Biboneka
ko atanumwe yashoboye
kugira ico amufasha.

Yari indwara ikomeye,

Yayiro amenya ko
umukobwa wiwe
agira apfe.




Umuntu umwe wenyene niwe yashobora gufasha
umukobwa wa Yayiro. Yayiro arasohoka kugira ngo
aje kurondera Yesu kandi ace amuzana muhira iwe.
Yari azi ko abagenzi biwe bo mw'isinagogi
ko batemera Yesu. Ariko
ntaco bitwaye.



Yategerezwa
kwakira
uwumufasha
imbere y'uko
umukobwa
wiwe apfa.



Yayiro asanga Yesu
arikumwe n'abantu
biwe.



Bari
bapfukamye
imbere
y'ibirenge
vyiwe. Nawe
aramubwira
ati:
"Umukobwa
wanje agira
acikane, ingo,
umurambikeko
ibiganza
kugira ngo
akire kandi
abeho."






Yesu ajana na Yayiro.
Ariko ntibagenda
banyaruka kuko bari
mw'igugu ry'abantu.
Hari umugore yari
amaze imyaka cumi
n'ibiru arwaye. Yari
yaragiye kubaganga bose
(yatanze n'ivyiwe vyose)
ariko ntiyakira. Oh,
nawe yashaka kubona
Yesu!!





Mbega uyu mugore hari ico yashobora
gukora? Aravuga ati: "Naho nokora
kumpuzu ziwe gusa, nokira." Aza
mw'iryo gugu ry'abantu aciye inyuma
ya Yesu aca akora kumpuzu ya Yesu.






Igitangaza!!
IGITANGAZA!!
Wamugore arakize.
Ubwonyene!! Arakize
neza!! Aca yumva ameze
neza. Ariko yumva ijwi
rya Yesu ribaza riti:
“Ninde ankozeko?”
Igugu ry'abantu ryari
ryamukozeko ariko uwo
mugore amenya ko ariwe
ariko arabaza. Atinye
cane, amubwira inkuru
yiwe yose.



Uwo mwanya, abakozi ba Yayiro baza bavuye muhira.
Mumaso habo herekana inkuru y'umubabaro bazanye.
Babarira Yayiro batii: "Umukobwa wawe yapfuye!!"

Yapfuye!! Bari bateveye cane.

Kumbure iyo wa mugore
ataba yabatebeje...
kumbure umwana mwiza
wa Yayiro ntaba yagiye...






Yesu yumvise ivyo,
aramwishura ati:
"Ntutinye, wizere
gusa, kandi arakira."
Nk'uko vyari bigoye
cane kwizera vy'ukuri
Yesu. Umukobwa
wiwe yari yapfuye.




Imuhira, umuntu wese yariko
aririra umukobwa wa Yayiro.
Yesu arababwira ati: "Umwana
ntiyapfuye, ariko arasinziriye."
Baramutwenga. Bari bazi ko
umwana yapfuye.



Yesu arabasohora, afata wamukobwa ukuboko
aramubwira ati: "Gakobwa, Vyuka." Yayiro yari aho,
arikumwe n'umugore wiwe. Abigishwa batatu ba

Yesu nabonyene bari ngaho.
Bose bumva amajambo ya
Yesu. Uwo mukobwa
mutoyi yapfuye yoba
aza kwumva ivyo
Yesu amubwiye?




Uwo mukobwa
yumva itegeko
rya Yesu!!

Impwemu yiwe
iragaruka, aca
ahaguruka ako
kanya. Yesu
yari amuzuye
m'urupfu.



Abavyeyi biwe baba mugutangara cane. Yesu ababarira guha umwana wabo ivyo afungura. Kuko bari banezerewe; bashimira Yesu!! Urukundo rwiwe n'ububasha bwiwe vyabagarukaniye umukobwa wabo yari yapfuye.



Umwigeme Yabayeho Incuro Zibiri

Inkuru ivuye mw'Ijambo ry'Imana, Bibiliya

tuyisanga muri

Mariko 5, Luka 8

"Guhishurirwa amajambo yawe kuzana umuco,
guha abatungu ubwenge." Zaburi 119:130





Iherezo



Iyi nkuru ya bibiliya itubwira kuvyerekeye Imana
yacu y'igitangaza yaturemye kandi igashaka ko tuyimenya.

Imana irazi ko twakoze ibibi, arivyo yita icaha. Igihano c'icaha ni urupfu ariko Imana iragukunda cane yarungitse umwana wayo w'ikinege, Yesu, gupfa ku musalaba kugira ahanwe kubw, ivyaha vyawe. Hama Yesu asubira kubaho aca agenda I muhira mw'ijuru. Niwizera Yesu ukamusaba aguharire ivyaha vyawe, azobikora. Azoza abe muri wewe, hama uzobana na we ibihe bidashira.

Niwizera uko ni ukuri, bwira Imana ibi:
Yesu mwiza, ndizera ko uri Imana, kandi wacitse umuntu ugapfa kubera ivyaha vyanje, hama ubu ukaba uri muzima. Rero ingo mu buggingo bwanje hama uharire ivyaha vyanje, kugira ngire ubugingo bushasha, hama umunsi umwe nze mbane na we ubugingo budashira. Mfasha kugira ndakwumvire kandi mbeho ku bwawe nk'Umwana wawe. Amen.

Soma bibiliya hama uvugane n'Imana iminsi yose. Yohana 3:16

